

靈寶無量度人上品妙經卷之三十九 黃九

南宮延生品

道言昔於丹靈天中絳彩飄歌朱陵昌土受
元始度人南宮延生無量上品元始天尊當
說是經周迴十過以召十方始當詣座天真
大神上聖高尊妙行真人南昌上宮天機內
省延生保僊上真道君南宮延生天機上相
真宰天機上吏真宰天機真僊真宰天機直
神真宰丹元僊官三元僊官天機都吏甲騎
神吏無鞅數衆乘空而來彤霞神霄寶輿丹

輪鳳蓋垂蔭流明紫光九色蔚蔚洞煥太空
六日六夜南昌上宮星樞守躔候鼓不鳴龍
嶽水刻玉滴停注煙旗浮空霧帷卷香樞機
二省十官秉笏嚴領局部神風輕襲虛海澄
映天容廓清氣界昭曠一國地土山川林木

第九

緬平一等無復高下土成柔玉紺膩純明洞
徹圓羅無有異色衆真侍座元始天尊玄坐
空浮六龍戲珠交昇雲錦之座說經一遍諸
天大聖同時稱善是時南昌宮中天機內省
注上兆庶延生保僊之名萬億論計得仙之

靈寶无量度人上品妙經

人九萬餘條說經二遍南辰朱華映滿碧虛
雲網縈回瑰衡蚪屈說經三遍琳琅振韻讚
美洞章說經四遍南宮啓關生育萬彙說經
五遍天機流運五德平昌說經六遍六星搖
光萬神協慶說經七遍僊算無終世壽遐遠
說經八遍真魔降券度兆延生說經九遍雨
花盈尺天香合雲說經十遍世無夭折樂慕
靈真是時一國是男是女莫不傾心皆受護
度咸得長生

道言是時元始天尊說經一遍東方無極無

量品延生至真大神無鞅之衆浮空而至說
經二遍南方無極無量品延生至真大神無
鞅之衆浮空而至說經三遍西方無極無量
品延生至真大神無鞅之衆浮空而至說經
四遍北方無極無量品延生至真大神無鞅

九

二

之衆浮空而至說經五遍東北無極無量品
延生至真大神無鞅之衆浮空而至說經六
遍東南無極無量品延生至真大神無鞅之
衆浮空而至說經七遍西南無極無量品延
生至真大神無鞅之衆浮空而至說經八遍

西北無極無量品延生至真大神無鞅之衆
浮空而至說經九遍上方無極無量品延生
至真大神無鞅之衆浮空而至說經十遍下
方無極無量品延生至真大神無鞅之衆浮
空而至十遍周竟十方無極南宮延生天真
大神一時同至一國男女傾心歸仰將聞元
始天尊宣示南宮延生之法成真之要各相
謂言我等位證天人住諸天中未聞天司名
品居處統治三元生死罪福功過所在南宮
延生但知大略南昌上宮爲南極長生大帝

君之總司延生之所復在何治有何典宰主
吏三元之民當何祈請遂獲延生將享無極
今日天尊敷陳綱括開曉天人我等宜各精
心歸依大法修證前詣再拜稽首來者有如
細霧密雲無鞅數衆迷國一半土皆偏陷非

第九

三

可禁止一切大衆圍繞座側瞻佇靈顏觀聞
妙法元始俯仰四顧攬几迴天儼紫金光容
發言宣告大衆曰夫天地定位君臣乃立三
天上帝設官布政分治三元紫微太微爲兩
極之司以主生死世人罪福僊真功過紫微

曹局係於北斗太微案掾隸於南辰紫微天
官之司則有太玄都省以統三官太微大君
之司則有天樞天機二省以延注生命統領
羣靈南斗第五星曰天樞第六星曰天機樞
機二省爲上帝之內司長生大帝正所御也

天有三省以治三元則樞機之司並屬於南
昌上宮即太微宮也三省之內金闕侍中上
相上宰侍郎僊卿司命以共治之兆能長齋
奉詞天機省中懇禮長生大帝嚴備供養勤
誠不替則有九天採察考校真官按兆功過

上聞機省則上相注筆爲兆延生壽無紀極
不必丹芝可俟僊道大衆欣躍乞獲詳教渴
佇聖言於是元始懸一寶珠大如黍米在空
玄之中去地五丈元始登引天真大神上聖
高尊妙行真人天機內省上相真宰靈官直
符甲卒統騎南宮延生無量大神十方無極
至真尊神無鞅數衆俱入寶珠之中天人仰
看惟見拂拂從珠口中入既入珠口不知所
在國人廓散地還平正無復歆陷元始即於
寶珠之內說經都竟衆真監度以授於我當

此之時喜慶難言法事粗悉諸天復位倏欵
之間寂無遺響是時天人遇值經法普得濟
度全其本年無有中傷傾土歸仰咸得延生
不殺不害不嫉不妬不淫不盜不貪不欲不
憎不妬言無華綺口無惡聲十二善行專則
延生黃九南宮自聞天機列言七世命僊齊同慈
愛異骨成親國安民豐欣樂太平經始出教
一國以道預有至心宗奉禮敬各得度世
道言元始天尊說經中所言並是上帝南宮
延生內名隱韻之音亦是天機省中上相內

諱百靈之隱名也齋戒誦之直符詣天機省
乞延生之籙太上度南宮之契兆得延生永
世長存非世之常辭上聖已成真人通玄究
微能悉其章誦之十過諸天遙唱萬帝設禮
南宮延生天機紀齡雙景照頂泥丸返精羣
魔束形鬼癘滅爽回屍起死白骨成人至學
之士誦之十過則大君流遷三省言功魔精
喪眼鬼祆滅爽濟度垂死絕而得生所以爾
者學士穢氣未消體未洞真召制百神威未
制天政德可伏御地祇束縛魔靈但却死而

靈寶无度量人上品妙經

已不能更生輕誦此章身則被殃供養尊禮
門戶興隆世世昌熾與善因緣萬災不干神
明護門斯經尊妙獨少玉京度人無量為萬
道之宗巍巍大範德難可勝

道言凡誦是經十過諸天齊到南昌宮中天

第九

五

機省宰上相真君請長王大帝玉象龍文九

雲之書雲章寶籙統僊驅吏八鸞真符告下

鄴山泉曲之府使億曹萬祖幽魂苦炎皆即

受度上升朱宮格皆九年受化更生得為貴

人而好學至經功滿德就皆得神仙飛昇金

闕遊宴玉京也上學之士修誦是經南極丹
元左靈仙府真官直符神吏爲兆延生皆即
受度飛昇南宮世人受誦則九元八極四斗
三真十二仙官教兆隱遷延生長年後皆得
作尸解之道魂神暫滅不經地獄即得返形

遊行太空此經微妙普度無窮一切天人莫
不受慶無量之福生死蒙惠上天所寶不傳
下世至士齋金寶效心盟天而傳輕泄漏慢
殃及九祖長役治官侍經南宮玉童玉女各
二十四人營衛神文保護受經者身

靈寶先度量人上品妙經

道言正月長齋誦詠是經南宮延生長生大帝敕太玄元仙君太虛無上君太上九老仙都君爲兆開心通幽洞冥爲上世亡魂斷地速役度上南宮七月長齋誦詠是經南宮延生天機上相告太虛紫元洞陽元君太素仙元君太上秀樂君爲兆辟妄長獲至真身得神仙南宮書名黃籙白簡削死上生十月長齋誦詠是經南宮延生金闕侍郎請玉華洞靈君玉華紫靈君元丹中皇君爲兆護身忠事至尊孝友一門爲國王帝主君臣父子安

鎮國祚保天長存世世不絕常為人君安鎮
其方民稱太平八節之日誦詠是經南宮延
生玉清三皇太帝華陽仙君紫靈仙君洞陽
仙君開兆八關得見真仙得為九宮真人本
命之日誦詠是經南宮延生長生大帝敕太

第六

六

極仙君清靈仙君九光仙君十華仙君延兆
生籍赦罪超神魂神澄正萬氣長存不經苦
惱身有光明三界侍衛五帝司迎萬神朝禮
名書上天功滿德就飛昇上清

道言行道之日皆當香湯沐浴齋戒入室

靈寶度量人上品妙經

東向叩齒三十二通上聞三十二天心拜
三十二過閉目靜思身坐紫赤絳三色雲
氣之中內外翁冥有青龍白虎朱雀玄武
獅子白鶴羅列左右南宮天機相宰神官
俱降兆前日月照明洞煥室內項生圓相
光映十方如此分明密呪曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經無量度人願所啓上後

徑御

無上三十二天元始上帝至尊几前畢

引炁三十二過東向誦經

元始無量度人上品妙經

黃九

七

元始洞玄靈寶本章南宮延生上品天機度
人太微隱韻離合自然混洞赤精无无上真
化爲南極六司高宸天樞統兵總御三元天
機內省天政所干統攝南宮主校延生元始

靈寶无度量人上品妙經

祖劫化生諸天開明兩極水火天根上無復
祖惟道爲身九龍雲書八鸞真文攝氣命仙
召靈招真十極飛報玉章瓊文三省開廓普
植神靈太玄都糾樞機輔丞持印執法八天
鳳文無文不光無文不明無文不立無文不
成無文不度無文不生是謂大梵天中之天
鬱羅蕭臺玉山上京上極無上大羅玉清眇
眇劫刃若亡若存三華離便南昌妙庭金闕
玉房森羅淨霄神霄梵氣周廻十方中有南
宮延生之神中有南極長生大帝君中有神

府青華帝君中有天機上相上吏真神真宰
真君中有延生司馬大神中有好生主錄韓
司文人真君中有南上司命司錄延壽益算
度厄尊神迴骸起死無量度人今日校錄諸
天臨軒

東方無極延生注善神王長生大聖無量度
人

南方無極延生考察神王長生大聖無量度
人

西方無極延生賞功神王長生大聖無量度

靈寶先天度量上人上品妙經

人 北方無極延生枝錄神王長生大聖無量度

人 東北無極延生定品神王長生大聖無量度

人 東南無極延生第九紀壽神王長生大聖無量度八

人 西南無極延生上奏神王長生大聖無量度

人 西北無極延生僊誥神王長生大聖無量度

人

上方無極延生帝司神王長生大聖無量度

人

下方無極延生巡省神王長生大聖無量度

人

十方至真南宮延生神王長生大聖無量大
神並乘紫雲琅輿朱輦華蓋碧輪驂駕丹鳳
五色青龍建火鈴制魔之節六甲召真靈楮
前肅九部齊唱後吹八樂同鳴飛空遊僊嘯
歎雍雍五帥啓塗四靈三轅億乘萬騎浮空

而來傾光迴駕監真延生天機丞相南昌上
宮韓司主宰延生大神執籙把籍齊到帝前
隨所應度嚴校諸天兆能投誠奏告南宮標
紀生命月日時年奏章通詞洞館隱天詣南
昌上宮天機內省金闕侍郎南上司命靈虛
真僊寶元注筆丹籍延生續年已枯復榮已殘復
完已滅復起已朽復堅天機上生錫兆長生
普告三界無極神鄉泉曲之府北都羅酆三
官九府十二河源上解祖考億劫種親疾除
罪簿落滅惡根不得拘留逼合鬼羣南宮符

命時刻昇遷北都寒池部衛形魂制魔保舉
度品南宮死魂受鍊仙化成人生身受度劫
劫長存隨劫輪轉與天齊年永度三塗五苦
八難超凌三界逍遙上清上清之天天帝洞
機無色之境梵行

東方八天

玉曆司仁天

帝慈持宗元

化植蒼靈天

帝廣繫儀王

道華秀功天

帝純平子夸

寶宸妙生天

帝冲玄定僊

靈寶度量上人妙經

太玄靜真天

帝慈持宗元

遘僊滌想天

帝廣繁儀王

崑龍布和天

帝純平子夸

清丘洞夷天

帝冲玄定僊

南方八天

正紀黃元天

帝覺浮丹明

朱房簡真天

帝絕洞九方

曲化耀威天

帝恬昭延生

炎正宗成天

帝殿公維良

皇極變成天

帝放鐸卒馳

丹明感僊天

帝鍊歸牧玄

飛龍晨燭天

帝育根祕懷

神闕絳玉天

帝浮崇嘉萌

西方八天

七靈素明天

帝虎襄威

機輪皓都天

帝勝元衍光

靜生太无天

帝自真定開

清明回光天

帝監印主收

敢司正刑天

帝制懲檢冥

道嚴戒城天

帝曜道禹昌

靈寶无度量上人上品妙經

玉龍昇天

帝昇竒纂神

盈虛總靈天

帝對神把真

北方八天

朝極靜順天

帝烈華至彬

履剛召靈天

帝常祐柯童

玄真海遙天

帝伯赤飄光

玄洞五雲天

帝曷廻樞純

金呈禁理天

帝保撫慶明

玄靈斗宮天

帝契超燕宗

萬福帝皇天

帝善持揭藍

玉雲馭龍天

帝母精羅源

三十二天三十二帝南宮隱諱南宮隱名天
中空洞自然靈章太微隱韻太微之音太微
之尊南昌之神天機真宰南宮之靈九府十
曹飛報上清無量之奧深不可詳數落神真
普度天人今日欣慶受度延生永固歷闡諸
天請滅衆惡斬絕地根超度五苦名列大玄
東斗主筭西斗記名北斗落死南斗上生中
斗大魁總監衆靈青帝護魂白帝侍魄赤帝
養氣黑帝通血黃帝中主萬神無越青錄真

官吉多真伯赤錄真官擘山擊石白錄真官

黃九

十一

黃越赤靈黑錄真官銜雷鐵腹黃錄真官天
道神力五錄真官萬神之宗飛行鼓從總領
僊兵麾幢鼓節遊觀南宮威聲赫奕帝省言
功南昌續生嚴攝北鄴神府受命普掃不祥

神龍吐毒天馬四張金精前驅飛神仗旛擲
火萬里流鈴八衝敢有干試拒遏上真金鉞
前戮流火後刑屠割鬼爽炎颯無停千千截
首萬萬剪形魔無干犯鬼無祆精三官北鄴
明檢鬼營不得容隱金馬驛程普告無窮萬

神咸聽三界五帝列言上清

大洞啓曆道合自然恍惚結氣界域斯張君
父臣民列職分庠凝玉爲京初易龍康帝出
而治左右紀綱三宮肇基三省闢張三府總
司按牘維防眇眇億劫混沌之中上空無色

下空無淵風鼓澤涸水堅爲山空生元土金
剛乘天天有萬官命世經天天上天下無幽
無冥無形無影無極無窮自然神化變造形
容溟滓大梵與道合同民有耳目不知視聽
潛默漠昧遼廓無光赤明開圖運度乃宣元

始安鎮敷落五篇赤書玉字八威龍文保制
劫運三界長存符變僊真官司臣鄰氣復成
符象與空淪梵氣彌羅萬範開張元綱星舍
隨氣流演三十二天輪轉無色周迴十方蔭
蓋乘車階登紫房太玄都司大魁植彊旋樞
塵機據斗建網掖帶二省統號南昌順行六
儀回度五常三十五分總氣上元八景冥合
氣入玄玄上帝樞機天之喉舌下應體躬心
目為玄玄中太皇南宮延生上帝高真泛景
太霞嘯詠洞章金真明郁流響泥丸雲營在

中白珠連連玉音攝氣耳聽鍾絃靈風自徊
百神聚煙紫虛鬱秀輔翼萬僊千和萬合自
然成真真中有神長生大君青華左公玉妃
右神高上道王執玉垂紳太一在前司命在
後桃康合延吐英喻秀執符把籙保命生根
閱籍南宮請算北元上遊上清出入華房八
冥之內細微之中下鎮人身樞為腦空不動
者空絳宮為機索幽見微中理五氣混合百
神十轉迴精萬氣齊僊南宮延生無量度人
機開八門飛天法輪罪福禁戒宿命因緣普

受開度死魂生身身得受生上聞諸天諸天
之上各有生門中有空洞謠歌之章真聖靈
篇辭參高真

第一南宮延生天機上相飛空之音

天機據搞

真九 帝宮維南

十三 欲延爾生

無引機轅

機軸不動

道大勿用

機轅相馳

不病則屍

天機乘物

召則應之

善惡功過

率關帝司

機靜神動

僊飛南宮

謹機祕真

卓爲靈人

運機以天

道法自然

運機以心

喪精失身

心目爲機

身以四時

我握其寶

上帝所知

第二南宮延生天樞上相之章

六星在南

上通朱陵

炎炎丹青

絳闕彤庭

環樞者空

空體無形

無形不動

孰使其靈

靈無使從

惟帝是膺

天政以常

勿伐勿矜

有相若助

徒爲主名

靜而無爲

道以公平

象彼泥丸

中居至神

混與空合

百骸自生

大樞任成

無得無名

我駕飛颺

下觀億程

第三南宮延生長生大帝歌曰

電輪舞空

命駕神宮

雲旗耀熠

紫雲光襲

下有萬僊

龍翼我轅

紫霞爲蓋

天衣河帶

樂攜高上

席宴華童

南昌列言

道濟真功

注善延生

勲霽僊宗

人無私機

正意爲師

情念鋒起

招魔致鬼

僊聖殊超然

豈獨長生已

浮身八景間

俯眄青圓羅

丹林覆諸天

玉音揚洞歌

憫此塵中人 一瞬隨流波 燒香捧靈篇
真人自來過

此三界之上飛空之中真王歌音音參洞章
誦之百遍名度南宮誦之千遍真僊保迎萬
遍道備飛昇太空過度三界位登僊公有聞

黃九

十四

靈音真王敬形敕制地祇侍衛送迎拔出地
戶五苦八難七祖昇遷永離幽關魂度朱陵
受鍊更生是謂無量普度無窮有祕上天文
諸天共所崇泄慢墮地獄禍及七祖翁

道言此二章並是諸天上帝及南宮延生隱

靈寶度量人上品妙經

祕之音統明樞機之司爲上帝喉舌心目之
任皆隸南昌上宮爲金闕之要地兆能長齋
封章奏告謁詣真靈上吏真宰敷功列言爲
其延年身享天福澤逮後昆皆是大梵之言
非世上常辭言無韻麗曲無華宛故謂玄奧
難可尋詳上天所寶祕於玄都高上神霄玉
清玉府道合治世應法以傳若有至人齋金
寶質心依舊格告盟玉清然後而付焉

道言夫天地運度否終日月五星虧盈至聖
神人休否末學之夫疾傷凡有此災同氣皆

當齊心修齋六時行香十遍轉經福德立降
消諸不祥無量之文普度無窮

道言夫末學道淺或僂品未充運應滅度身
經太陰臨過之時同學至人爲其行香誦經
十過以度屍形如法天機上相爲開南靈延

黃九

十五

生續命之簡注記善功魂神徑上南宮隨其
學功計日而得更生輪轉不惑便得神仙

道言夫天地運終星宿錯度日月失輝四時
失度陰陽不調國境歲災疫毒流行兆民死
傷師友命過皆當修齋行香誦經夫齋戒誦

靈寶无量人上品妙經

經功德甚重上消天災保鎮帝王下攘毒害
以度兆民生死受賴其福難勝故曰無量普
度天人

道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右別至人尅得為聖君金
闕之臣諸天記人功過毫分無失天中真王
亦保舉爾身得道者乃當洞明至言也

諸天中大梵隱語無量音 道君撰

元始靈書南宮延生秘篇

東方八天

婁胃握樞

裔延重波

綽摩慶將

陸徒凝帝

抱能興生

仗僊獨麗

銳伯麟元

綿洪騫熾

角飛兼羅

吻悅遘慧

越嘉童貽

雲鐸府位

梵方應落

彌迢緣遷

辟都登廂

丙寧盈牋

南方八天

烏東寧馳

畢蒼充回

壯輔哀淵

星柯監摧

爵邏謹韜

闡時沂泉

耀芒赤奕
龜蹊宜陳
聚掌滅魅

寂盧歷聽
號矣都利
軫冲格真

漸旻蘇康
嶽靈衝渦
正并挾宥

棘囉達辰

西方八天

黃九

灑景太華
高韓附瑾
變清流澱

萌梁順忻
曜餞剛式
璞持妙成

梵度元品
恢漠連濱
常融殊丘

敵乾峨屏
混化開兌
偃池顛因

樞關嚳都
避文魚圍
質傍樊儲

十六

遍蕩拔奔

北方八天

玄漢巨漢

騰輪腴陽

龍堅華育

惠班至莊

答落正位

照艾虛危

錫河律多

稟察興和

瓚鼎幽仰

杞靈欽逢

晦洞室育

俛墮焚教

竺洛紀籍

燕坤呈魔

內殺醜祆

玉延終壁

道言此諸天中大梵隱語無量之音舊文刻
書南宮鳳臺之上召南極斗機真人開兆玉

靈寶先度人上品妙經

曆延生永世拔度七祖帝澤千重身飛金房
書籍朱童字皆廣長一丈長生大君昔寶其
文以爲正音有知其音能齋而誦之者諸天
皆遣定真神王下觀其身書功勤其上奏諸
天萬神朝禮地祇侍門大功真王保舉南早

黃九

十七

道備尅得遊行三界昇入神霄

此音無所不辟無所不獲無所不度無所不
成天真自然之音也故誦之致神王下觀上
帝遙唱萬神朝禮三界侍軒羣杖東首鬼精
自亡琳琅振響十方肅清河海靜默山嶽吞

煙萬靈振伏招集羣僊天無氛穢地無秋塵
冥慧洞清大量玄玄也

元始無量度人上品妙經卷之三十九